

唐  
音  
統  
籤

戊籤餘六杜荀鶴之四

唐音統籤卷十九

七言律詩二

獻新安于尚書

九土雄師竟若何  
未如良牧與天和  
月留清俸資家少  
歲計陰功及物多  
四野綠雲籠稼穡  
千山明月靜干戈  
行人滿耳新安事  
盡是無愁父老歌

獻長沙王侍郎

文星漸見射台星  
皆仰爲霖沃衆情  
天澤通來逢聖主  
辭林盛去得書生  
雲粧嶽色供吟景  
月皓湘流遞政聲  
美化事多難諷誦  
未如耕釣口分明

投長沙裴侍郎

此身雖賤道長存非謁朱門謁孔門  
祗望至公將卷讀不求朝士致書論  
垂綸雨結漁鄉恩吹木風傳鴈夜  
魂男子受恩須有地平生不受等閒恩  
恩門致書遠及山居因獻之

時難轉覺保身難難向師前欲繼顏  
若把白衣輕易脫却成青桂偶然攀  
身居劍戟爭雄地道在乾坤未幾間  
必許酬恩酬未晚且須容到九華山

獻錢塘縣羅著作判官

還鄉夫子遇賢侯撫字情知不自由  
莫把一名專

懷惱放教雙眼絕冤讐  
猩袍懶著辭公宴鶴氅閒  
披訪道流猶有九華知  
已在羨君高臥早回頭

獻池州牧

池陽今日似漁陽  
大變凶年作小康  
江路靜來通客貨  
郡城安後絕戎裝  
分開野色收新麥  
驚斷鶯聲摘嫩桑  
縱有逋民歸未得  
遠聞仁政旋還鄉

獻鄭員外

化行邦域二年春  
樵唱漁歌日日新  
未降詔書酬善政  
不知天澤答何人  
秋登嶽寺雲隨步  
夜宴江樓月滿身  
他日朱門恐難掃  
沙堤新築必無塵

冬末自長沙遊桂嶺留獻所知

家隔重湖歸未期更堪南去別深知  
前程笑到山多處上馬愁逢歲盡時  
四海內無容足地一生中  
有苦心詩朱門祗見朱門事獨把孤寒問阿誰

投江上崔尚書

此生何路出塵埃猶把中才謁上才  
閉戶十年專筆硯仰天無處認梯媒  
馬前霜葉催歸去枕上邊鴻喚覺來  
若許登門換髻鬟必因辛苦是風雷

投宣諭張侍郎亂後遇毗陵

此生今日似前生重著麻衣特地行  
經亂復囊新

卷軸出山來見舊公卿  
雨籠葦壁吟燈影風觸蟬  
枝噪浪聲聞道中興重  
人物不妨西去馬蹄輕

出關投孫侍御

東歸還著舊麻衣爭免花前有淚垂  
每歲春光九十日一生年少幾多時  
青雲寸祿心耕早明月仙枝分種遲  
不爲感恩酬未得五湖閒作釣魚師

下第投所知

落第愁生曉鼓初地寒才薄欲何如  
不辭更寫公卿卷却是難修骨肉書  
御苑早鶯啼暖樹釣鄉春水浸貧居  
擬離門館東歸去又恐重來事轉踈

書事投所知

古陌寒風來去吹馬蹄塵旋上麻衣雖然干祿無  
休意爭奈趨時不見機詩思趁雲從嶽涌鄉心隨  
鴈繞湖飛肯將骨肉輕離別未遇人知未得歸

投鄭先輩

匣中長劍未酬恩不遇男兒不合論悶向酒杯吞  
日月閒將詩句問乾坤寧辭馬足勞關路肯爲漁  
竿憶水村兩鬢欲斑三百首更教裝寫傍誰門

投從叔補闕

吾宗不謁謁詩宗常仰門風斷國風空有篇章傳

海內更無親族在朝中其來雖媿源流淺所得須  
憐雅頌同三十年吟到今日不妨私薦亦成公

賀顧雲侍御府主與子弟奏官勅下時年三  
歲

青桂朱袍不賀兄賀兄榮是見兒榮孝經始向堂  
前徹官誥當從幕下迎戲把藍袍包果子嬌將竹  
笏惱先生自慚亂世無知己弟姪鞭牛傍隴耕

贈秋浦張明府

君爲秋浦三年宰萬慮關心兩鬢知人事旋生當  
路縣吏才難展用兵時農夫背上題軍號賈客船



唐詩集  
頭插戰旗他日親知問官況但教吟取杜家詩

贈溧水崔少府

庭戶蕭條燕雀喧日高窗下枕書眠祇聞留客教  
酤酒未省逢人說料錢洞口禮星披鶴氅溪頭吟  
月上漁船九華山叟心相許不計官資贈一篇

贈友人罷舉赴交趾辟命

罷却名場擬入秦南行無罪似流入縱經商嶺非  
馳驛須過長沙弔逐臣舶載海奴環鑪耳象馳蠻  
女綵纏身如何待取丹霄桂別赴嘉招作上賓

贈友人罷舉赴辟命

連天一水浸吳東十幅帆飛二月風好景採拋詩  
句裏別愁驅入酒杯中魚依岸柳眠圓影鳥傍  
花戲暖紅不是桂枝終不得自緣年少好從戎

贈李鐔

鐔自維楊遇  
亂東入中山

君行君文天合知見君如此我興悲祇慚三口兵  
戈後纔到孤村雨雪時著卧衣裳難辦洗旋求糧  
一作食莫供炊地爐不煖柴枝濕猶把蒙求授小  
兒

贈張員外兒

張公一子才三歲聞客吟聲便出來喚物舌頭猶

未穩誦詩心孔迥然開天生便是成家慶年長終  
爲間世才月裏桂枝如有分不勞諸丈作梯媒

戲贈漁家

見君生計羨君閒求食求衣有底難養一箔蠶供  
釣線種千莖竹作漁竿胡盧杓酌春釀酒舴艋舟  
流夜漲灘邛笊儂家最辛苦聽蟬鞭馬入長安

贈彭蠡釣者

偏坐漁舟出葦林葦花零落向秋深祇將波上鷗  
爲侶不把人間事繫心傍岸歌來風欲起卷絲眠  
去月初沉若教我似君閒放贏得湖山到老吟

贈袒肩和尚

山衣草屐染莓苔，雙眼猶慵向俗開。  
若比吾師居世上，何如野客卧巖隈。  
才聞錫杖離三楚，又說隨緣向五臺。  
乘醉吟詩問禪理，爲誰須去爲誰來。

贈元上人

多少僧中僧，行高偈成流。  
落遍僧抄經，窗月靜灘聲。  
到石逕人稀，蘚色交垂露。  
竹粘蟬落殼，窅窅雲松。  
載鶴棲巢煮茶童子閒，  
勝我猶得依時把磬敲。

贈休禪和

爲僧難得不爲僧，僧戒僧儀未是能。  
弟子自知心

了了吾師應爲醉騰騰多生覺悟非關衲一點分  
明不在燈抵道詩人無佛性長將二雅入三乘

贈休糧僧

自言因病學休糧本意非求不死方徒有至人傳  
道術更無齋客到禪房雨中林鳥歸巢晚霜後崑  
猿拾橡忙爭似吾師無一事穩披雲衲坐藤床

登靈山水閣貽釣者

江上見僧誰是了修齋補衲日勞身未勝漁父閒  
垂釣獨背斜陽不采人縱有風波猶得睡絕無簑  
笠始爲貧瓦甕盛酒瓷甌酌荻浦蘆灣是嬰津

旅泊遇郡中幾亂示同志

握手相悲誰敢言  
軍家刀劍在腰邊  
遍搜寶貨無藏處  
亂殺平人不怕天  
古寺拆爲修寨木  
荒墳開作甃城磚  
郡侯逐出渾閒事  
正是鑿興幸蜀年

題覺禪和

少見修行得似師  
茅堂佛像亦隨時  
禪衣衲袖後雲藏  
線夏臘高來雪印  
眉耕地戒侵連塚  
土伐薪教護帶巢  
枝有時問著經中  
事却道山僧總不  
知

題江寺禪和

江寺禪僧似悟禪  
壞衣芒屨住茅軒  
水施主修

真像翻說經文是妄言出浦釣船驚宿鴈伐巖樵  
斧迸寒猿行人莫問師宗旨眼不浮華耳不喧

空閒二公遞以禪律相鄙因而解之

一教誰云闢二途律禪禪律智歸愚念珠在手廢  
禪衲禪衲披肩壞念珠象外空分空外象無中有  
作有中無有無無有師中取山到平來海亦枯

秋日山中寄池州李常侍

近來叅謁陡生疎因向雲山僻處居出爲羈孤營  
糲食歸同弟姪讀生書風凋古木秋陰薄月滿寒  
山夜景虛但得中興知已在算應身未老樵漁

下第寄池州鄭員外

省出

一作得

蓬蒿修謁初蒙知，曾不見生疎侯門數。

處將書薦帝里，經年借宅居。未必有詩堪諷誦，祇  
憐無援過吹噓。如今足得成持處，莫使江湖却釣魚。

寄臨海姚中丞

夏辭旌旆已秋深，永夕思量淚滿襟。風月易斑搜  
句鬢，星霜難改感恩心。尋花洞裏連春醉，望海樓  
中徹曉吟。雖有夢魂知處所，去來多被角聲侵。

春日行次錢塘却寄台州姚中



豈謂無心求上第難安帝里爲家貧江南江北間  
爲客潮去潮來老却人兩岸雨收鶯語柳一樓風  
滿角吹春花前不獨垂鄉淚曾是朱門寄食身

寄温州朱尚書并呈軍倅崔太博

朱名褒

永嘉名郡昔推名連屬荀家弟與兄教化靜師襲  
渤海篇章高體謝宣城山從海岸粧吟景水自城  
根演政聲今日老輪崔博士不妨疎逸伴雙旌

寄温州崔博士

懷君勞我寫詩情寥寥陰風有鬼聽縣宰不仁工  
部餓酒家無識翰林醒眼昏經史天何在心盡英

雄國未寧好向賢侯話吟侶莫教辜負少微星

亂後宿南陵癸寺寄沈明府

祗共寒燈坐到明塞鴻衝雪一聲聲亂時爲客無人識  
廢寺吟詩有鬼驚且把酒杯添志氣已將心事託公卿  
男兒仗劍酬恩在未肯徒然過一生

維揚冬末寄幙中二從事

江上數枝桑棗樹自從離亂更荒涼那堪旅館經殘月  
祗把空書寄故鄉典盡客衣三尺雪鍊精詩句一頭霜  
故人多在芙蓉幕應笑孜孜道未光

晚春寄同年張曙先輩

莫將時態破天眞，祇合高歌醉過春。  
易落好花三箇月，難留浮世百年身。  
無金潤屋，渾閒事有酒扶頭，是了人恩地未酬。  
閒未得一回醒話，一沾巾。

李昭象云與二三同人見訪有寄

得君書後病顏開，云拉同人訪我來。  
在路不妨衝雨雪，到山還免踏塵埃。  
吟沉水閣何宵月，坐破松巖幾處苔。  
貧舍款賓無別物，止於空戰大尊罍。

秋日閒居寄先達

到頭身事欲何爲，窗下工夫鬢上知。  
乍可百年無稱意，誰教一日不吟詩。  
風驅早鴈衝湖色，雨挫殘

蟬點柳枝自古書生也如此獨堪惆悵是明時

入關寄九華友人

坐牀難穩露蟬新便作東西馬上身  
釀酒却輸耽睡客好山翻對不吟人  
無多志氣禁離別強半年光屬苦辛  
篋裏篇章頭上雪未知誰戀杏園春

山中寄詩友

山深長恨少同人覽景無時不憶君  
庭果自從霜後熟夜猿頻向屋邊聞  
琴臨秋水彈明月酒就東山酌白雲  
仙桂算攀攀合得平生心力盡於文

亂後書事寄同志

九土如今盡用兵  
短戈長戟困書生  
思量在世頭堪白  
晝度歸山計未成  
皇澤正霑新將士  
侯門不  
是舊公卿  
到頭詩卷須藏却  
各向漁樵混姓名

山居寄同志

茅齋深僻絕輪蹄  
門徑緣莎細接溪  
垂釣石臺依竹壘  
待賓茶竈就巖泥  
風生谷口猿相叫  
月照松頭鶴並棲  
不是無端過時日  
擬從窗下躡雲梯

春日山居寄友人

野吟何處寂相宜  
春景暄和好入詩  
高下麥苗新雨後  
淺深山色晚晴時  
半巖雲脚風牽斷  
平野花

枝鳥踏垂倒載干戈是何日近來麋鹿欲相隨

行次滎陽却寄諸弟

難把歸書說遠情  
奉親多闕拙於兄  
早知寸祿榮家晚  
悔不深山共汝耕  
枕上算程關日落  
帽前搜景嶽雲生  
如今已作長安計  
祇得辛勤取一名

送韋書記歸京

座主侍郎同舉

韋杜相逢眼自明  
事連恩地倍牽情  
聞歸帝里愁攀送  
知到師門話姓名  
朝客半修前輩禮  
古人多重晚年榮  
從來有淚非無淚  
未似今朝淚滿纓

送友人宰潯陽

高興那言去路長非君不解愛潯陽有時猿鳥來  
公署到處烟霞是道鄉釣艇滿江魚賤菜紙窪連  
嶽楮多桑陶潛舊隱依稀在好繼高蹤結草堂

送李先輩從軍塞上

去草軍書入帝鄉便從城外學戎裝好隨漢將收  
胡土莫遣胡兵近漢疆洒磧雪粘旗力重凍河風  
揭角聲長此行也是男兒事莫向征人恃桂香

送福昌周繇少府歸寧兼謀隱

少見古人無遠慮如君真得古人情登科作尉官  
雖小避世安親祿已榮一路水雲生隱思幾山猿

鳥認吟聲知君未作終焉計要著文章待太平

送李鐔遊新安

邯鄲李鐔才崢嶸酒狂詩逸難干名氣直不與兒

一作時

輩洽醉來擬共天公爭孤店夜燒枯葉坐亂

山秋踏早霜行一閒茅屋住不穩剛出爲人平不  
平

送項山人歸天台

因話天台歸思生布囊藤杖笑離城不教日月拘  
身事自與烟蘿結野情龍鎮古潭雲色黑露淋秋  
檜鶴聲清此中是處堪終隱何要世人知姓名



送蜀客遊維揚

見說西川景物繁  
維揚景物勝西川  
青春花柳樹  
臨水白日綺羅人  
上船夾岸畫樓難  
惜醉數橋明月  
不教眠送君  
懶問君回日  
才子風流正少年

送友人入關

此去青雲莫更疑  
出人才行足人知  
况當朝野搜  
賢日正是孤寒  
取士時  
仙島烟霞通鶴信  
早春雷  
雨與龍期我  
今不得同君去  
兩鬢霜欺桂一枝

送僧赴黃山沐湯泉叅禪宗長老

聞有湯泉獨去尋  
一甌一鉢一無金  
不愁亂世兵

相害却喜寒山路入深野老禱神鴉噪廟獵人衝  
雪鹿驚林患身是幻逢禪主水洗皮膚語洗心

送僧歸國清寺

吟送越僧歸海涯僧行渾不覺程賒路沿山脚潮  
痕出驢倚松根日色斜撼錫度岡猿抱樹挈鉢盛  
浪鷺翹沙到叅禪後知無事看引秋泉灌藕花

辭楊侍郎

春在門闌秋未離不因人薦只因詩半年賓館成  
前事一日侯門失舊知霜島樹凋猿叫夜湖田稻  
熟鴈來時西風萬里東歸去更把愁  
說向誰

辭鄭員外入關

男兒三十尚蹉跎未遂青雲一桂科  
在客易爲銷歲月到家難住似經過  
帆飛楚國風濤濶馬度藍關雨雪多  
長把行藏信天道不知天道竟如何

別四明鍾尚書

九華天際碧嵯峨無奈春來入夢何  
難與英雄論教化却思猿鳥共烟蘿  
風前柳態閒時少雨後花容淡處多  
都大人生有離別且將詩句代離歌

入關因別舍弟

吾今別汝汝聽言去住人情足可安  
百口度荒均

食易數年經亂保家難莫愁寒族無人薦但願春  
官把卷看天道不欺心意足帝鄉吾土一般般

哭方干

何言寸祿不霑身身沒詩名萬古存况有數篇關  
教化得無餘慶及兒孫漁樵共壘墳三尺猿鶴同  
栖月一村天下未寧吾道喪更誰將酒酹吟魂

哭山友

十載同棲廬嶽雲寒燒枯葉夜論文在生未識公  
卿面至死不離麋鹿群從見蓬蒿叢壞屋長憂雨  
雪透荒墳把君詩句高聲讀想得天也合聞

題護國大師塔

莫認雙林是佛林  
禪栖無地亦無金  
塔前盡禮灰來相  
衲下誰宗印了心  
笠象徹明雙不見  
線緣分派寸難尋  
吾師覺路余知處  
大藏經門一夜吟

山中對雪有作

一渾乾坤萬象收  
唯應不壅大江流  
虎狼遇獵難藏跡  
松栢因風易舉頭  
玉帳英雄携妓賞  
山村鳥雀共民愁  
豈堪久蔽蒼蒼色  
須放三光照九州

春日山中對雪有作

竹樹無聲或有聲  
霏霏漠漠散還凝  
嶺梅謝後重

粧蓋巖水鋪來却結冰牢繫鹿兒防獵客滿添茶  
鼎候吟僧好將膏雨同功力松徑莓苔又一層

雪

風攪長空寒骨生先於曉色報窗明江湖不見飛  
禽影巖谷唯聞折竹聲巢穴幾多相似處一作溝壑水深  
無復路岐兼得一般平擁袍公子休一作莫言冷中  
有樵夫跣足行

題瓦棺寺真上人院矮檜

天生仙檜是長才栽檜希逢此最低一自舊山來  
砌畔幾番凡木與雲齊迥無斜影教鵲踏免有閒

枝引鶴棲今日偶題題似著不知題後更誰題

山中臨上人院觀牡丹寄諸從事

閒來吟繞牡丹叢花艷人生事略同半雨半風三  
月內多愁多病百年中開當韶景何多好落向僧  
家只是空一境別無唯此有忍教醒坐對支公

傷病馬

此馬堪憐力壯時細勻行步恐塵知騎來未省將  
鞭觸病後長教覓藥醫顧主強擡和淚眼就人輕  
刷帶瘡皮祇令筋骨渾全在春暖莎青放未遲

戊籤餘六杜荀鶴之五

七八九十同卷

唐音統籤卷

七百六十

七言排律

和友人見題山居水閣八韻

池閣初成眼豁開眼前霽景屬微才  
試攀簷果猿先見纔把魚竿鶴卽來  
修竹已多猶可種艷花雖少不勞栽  
南昌一榻延徐孺楚國千鍾逼老萊  
未稱執鞭奔紫陌唯宜策杖步蒼苔  
籠禽豈是摩霄翼潤木元非澗下材  
鑒已每將天作鏡陶情常以海爲杯  
和君詩句吟聲大蟲豸聞之謂螫雷

五言絕句



春閨怨

朝喜花艷春暮悲花委塵不悲花落早悲妾似花  
身

感寓

大海波濤淺小人方寸深海枯終見底人死不知  
心

馬上行

五里復五里去時無住時日將家漸遠猶恨馬行  
遲

釣叟

茅屋深灣裏釣船橫竹門經營衣食外猶得美兒孫

七言絕句

自遣

糲食麤衣隨分過堆金積帛欲如何百年身後一  
坏土貧富高低爭幾多

感春

無况青春有限身眼前花似夢中春浮生七十今  
三十已是人間半世人

秋夜苦吟

吟盡三更未著題  
竹風松雨共淒淒  
此時若有人來聽  
始覺巴猿不解啼

秋夕

世間多少能詩客  
誰是無愁得睡人  
自我夜來霜月下  
到頭吟魄始終身

秋夕病

壞屋不眠風雨夜  
故園無信水雲秋  
病中枕上誰相問  
一一蟬聲槐樹頭

溪興

山雨溪風卷釣絲  
瓦甌蓬底獨斟時  
醉來睡著無

人喚流下前灘也不知

溪岸秋思

桑柘窮頭三四家  
挂罾垂釣是生涯  
秋風忽起溪浪白  
零落岸邊蘆荻花

離家

丈夫三十今如此  
疲馬離鄉懶著鞭  
槐柳路長愁殺我  
一枝蟬到一枝蟬

旅懷

蒹葭月冷時聞鴈  
楊柳風和日聽鶯  
水涉山行二年客  
就中偏怕雨船聲

春日旅寓

滿城羅綺拖春色幾處笙歌揭畫樓江上有家歸未得眼前花是眼前愁

旅舍遇雨

月華星彩坐來收嶽色江聲暗結愁半夜燈前十年事一時和雨到心頭

宿村舍

野人於我有何情半掩柴門向月明深夜欲眠眠不著一叢寒木一猿聲

閩中秋思

雨勻紫菊叢叢色風弄紅蕉葉葉聲北畔是山南  
畔海祗堪圖畫不堪行

湘江秋夕

三湘月色三湘水浸骨寒光似練鋪一夜塞鴻來  
不住故鄉書信半年無

再經胡城縣

去歲曾經此縣城縣民無口不冤聲今來縣宰加  
朱紱便是生靈血染成

涇溪

涇溪石險人兢慎終歲不聞傾覆人却是平流無

石處時時聞說有沉淪

過巢湖

世人貪利復貪榮來向湖邊始至誠男子登舟與  
登陸把心何不一般行

將過湖南經馬當山廟因書三絕

人說馬當波浪險我經波浪似通衢大凡君子行  
藏是自有龍神衛過湖

貪殘官吏虔誠謁毒害商人瀝膽過祇怕馬當山  
下水不知平地有風波

九江連海一般深未必船經廟下沉頭上蒼蒼沒

瞞處不如平取一生心

經嚴陵釣臺

蒼翠雲峯開俗眼泓澄煙水浸塵心  
唯將逆業爲芳餌釣得高名直至今

題道林寺

身未立閒終日苦身當立後幾年榮  
萬般不及僧無事共水將山過一生

夏日題悟空上人院

三伏閉門披一衲兼無松竹蔭房廊  
安禪不必須山水滅得心中火自涼



秋江雨夜逢詩友

故友別來三四載新詩吟得百餘篇  
夜來江上秋無月恨不相逢在雪天

讀諸家詩

辭賦文章能者稀難中難者莫過詩  
直應吟骨無生死祇我前身是阿誰

清溪朱明府出二子請詩因遺一絕

珠明玉潤盡驚人不稱寒門不稱貧  
若向吾唐作雙瑞便同祥鳳與祥麟

顧雲侍御出二子請詩因遺一絕

二雛毛骨秀仍奇小小能吟大大詩想得月中仙  
桂樹各從生日長新枝

田翁

白髮星星筋力衰種田猶自伴孫兒官苗若不平  
平納任是豐年也受饑

釣叟

田不曾耕地不鋤誰人間散得如渠渠將底物爲  
香餌一度擡竿一箇魚

蠶婦

粉色全無饑色加豈知人世有榮華年道我蠶

辛苦底事渾身著苧麻

贈質上人

枿坐雲遊出世塵兼無銚鉢可隨身逢人不說人間事便是人間無事人

贈僧

利門名路兩何憑百歲風前短焰燈祇恐爲僧心不了爲僧心了總輸僧

贈老僧

童子爲僧今白首暗鋤心地種閒情時將舊衲添新線披坐披行過一生

山中老僧

草屨無塵心地閒  
靜隨猿鳥過寒暄  
眼昏齒落經  
看遍却向僧中總不言

贈崔道士

四海兵戈無靜處  
人家廢業望烽烟  
九華道士渾  
如夢猶向樽前笑揭天

宿樂城驛却寄常山張書記

一更更盡到三更  
吟破離心句不成  
數樹秋風滿  
庭月憶君時復下堦行

送人歸淝上

巢湖春漲喻溪深纔過東關見故林莫道南來總  
無利水亭山寺二年吟

關試後筵上別同人

日午離筵到夕陽明朝秦地與吾鄉同年多是長  
安客不信行人欲斷腸

哭陳陶

耒陽山下傷工部采石江邊弔翰林兩地荒墳各  
三尺却成開解哭君心

哭貝韜

交朋來哭我來歌喜傍山家葬薜蘿四海十年人

殺盡似君埋少不埋多

傷硤石縣病叟

無子無孫一病翁將何筋力事耕農官家不管蓬

蒿地須勒

一作索

王租出此中

小松

自小刺頭深草裏而今漸覺出叢蒿時人不識凌雲木直待凌雲始道高

聞子規

楚天空濶月沉淪蜀魄聲聲似告人啼得血流無用處不如緘口過殘春

題新鴈

見羅鄴詩中

暮天新鴈起汀洲  
紅蓼花疎水國秋  
想得故園今夜月  
幾人相憶在江樓

鷓鴣

一般毛羽結羣飛  
兩岸蘆汀好景稀  
綠水有魚銜得出  
看來却是鷓鴣饑

春來燕

我屋汝嫌低不住  
雕梁畫閣也知寬  
大須穩擇安巢處  
莫道巢成却不安

八駿圖

丹牖傳真未得真那知筋骨與精神祇今試駿憑  
毛色綠耳驊騮賺殺人

題花木障

不假東風次第吹筆勾春色一枝枝由來畫看勝  
栽看免見朝開暮落時

秋夜聞砧

荒涼客舍眠秋色砧杵家家弄月明不及巴山聽  
猿夜三聲中有不愁聲

無雲雨詩

補洞微志云荀鶴初謁梁王朱全忠雨作而天無行雲梁王曰此

謂天泣知何祥請作無雲

雨詩乃賦云云梁王大悅

卷之六



同是乾坤事不同雨絲飛洒日輪中若教陰顯都相似爭表梁王造化工

句

舊衣灰絮絮新酒竹簫簫

詳韋莊集

只知斷送豪家

洒不解安排旅客情

聞笛吟窗

戊籤餘七

羅袞字子制臨邛人文學優贍大順中策名歷左

拾遺起居郎仕梁爲禮部員外郎集二卷

唐宋志同今

存詩三篇

北夢瑣言云袞應舉值喪亂備歷飢寒不歸蜀王建致書中朝求書記衆欲以

袞應袞曰嘗擁馬通火服與衣以俟升朝無復西歸爲魯國東家丘也後果如所願韓全誨之妹

哀迫理劉黃策不早用昭宗以弑崩哀與蘇楷駁  
謚號益美肆詆誣議文出哀手並希全忠旨也專  
詳黃傳  
及哀紀

### 清明登奉先城樓

年來年去只艱危春半堯山草尚衰四海清平耆  
舊見五陵寒食小臣悲煙銷井邑隈樓檻雪滿川  
原泥酒卮拭盡賈生無限淚一行歸鴈遠參差

### 清明赤水寺居

榆火輕煙處處新旋從閒望到諸隣浮生浮世祇  
多事野水野花娛病身濁酒不禁雲外景碧峯猶  
冷寺前春蓑衣毳衲誠吾黨自結村園一社貧

贈羅隱

隱梁開平中召拜侍郎不起衮以小  
天倖大秋姚公使兩浙以詩贈之

平日時風好涕流說書雖盛一名休  
寰區歎屈瞻

天問夷貊聞詩過海求向夕便思青瑣拜  
近年尋

伴赤松遊何當世祖從人望早以公台命  
卓侯

戊籤餘八

符蒙字適之後唐同光三年進士官侍郎集一卷

唐宋志無通考經籍志有吟窗雜錄云蒙篤志  
吟咏所經處皆削柳濡墨題詩去人愛其速成

句

都緣心似水故以鉢爲舟

題壁畫杯  
渡道人

戊籤餘九

盧士衡後唐天成二年進士集一卷

唐宋志無通考陳氏書錄

有今存詩六篇

### 靈溪老松歌

靈溪古觀壇西角千尺鱗皴棟梁樸橫出一枝憂  
樓閣直上一枝掃寥廓白石蒼苔擁根脚月明風  
撼寒光落有時風雨晦暝擺撼若黑龍之騰躍合  
生於象外峯巒在滯乎人間山岳安得巨靈授請  
託拔向青桂白榆邊安着

### 遊靈溪觀

雲藏寶殿風塵外粉壁松軒入看初話久仙童顏

色老病來玄鶴羽毛疎樵翁鬢引尋紅木道士留  
連說紫書不爲壯心降未得便壘從此翫清虛

寄天台道友

相思遙指玉霄峯悵望江山阻萬重曾隔曉窗聞  
法鼓幾同寒榻聽疎鐘別來知子長餐栢吟處將  
誰對倚松且住人間行聖教莫思天路便登龍

鍾陵鐵柱

千年蘊沒竟何爲變化宜將萬物齊安得風胡借  
方便鑄成神劒斬鯨鯢

僧房聽雨

古寺松軒雨聲別寒窗聽久詩魔發記得年前在  
赤城石樓夢覺三更雪

題牡丹

萬葉紅綃剪盡春丹青任寫不如真風光九十無  
多日難惜樽前折贈人

戊籤餘十

熊皦後唐清泰二年登進士第延州劉景巖辟爲  
從事入晉擢拜補闕貶商州上津令有屠龍集五

卷

宋志晁氏云陶穀爲之序陳氏云集中多下

第詩蓋老干場屋者黃伯思跋其集云皦遠

不忘君志在憂國文雖膚近而忠誠可取余讀其

上國音書絕二十篇及晉末感興諸詩而悲之傳

後無  
疑  
今存詩二篇

祖龍詞

平吞六國更何求  
童女童男問十洲  
滄海不回應  
悵望始知徐福解風流

謫居海上

家臨涇水隔秦川  
來往關河路八千  
堪恨此身何  
處老  
始皇橋畔又經年

以籤餘十一

唐音統籤卷

七百六

孟貫字一之建安人初客江南後仕周爲人性疎

野喜篇章不以名宦爲意詩一卷

諸志不載貫集惟雲間朱氏百

家唐詩有之蓋晚出得之宋刻者江南野錄云周世宗幸廣陵貫以集獻世宗見首卷臨棲隱洞譚先生詩云不伐有巢樹麥稌無主花謂貫曰伐數弔民何有巢無主之有獻朕則可他人卿將不免遂遷賜授官其詩大諫湯徽之稱之

山中夏日

深山宜避暑門戶映嵐光夏木蔭溪路畫雲迴石  
牀心源澄道靜衣葛蘸泉涼算得紅塵裏誰知此  
興長



山齋早秋雨

深居少往還  
卷箔早秋間  
雨洒吟蟬樹  
雲藏翫犬山  
炎蒸如便退  
衣葛亦堪閒  
靜坐得無事  
酒卮聊暢顏

早秋吟

新秋新雨後  
獨立對遙山  
去鳥望中沒  
好雲吟裏還  
長年慙道薄  
明代取身閒  
從有西征思  
園林懶閉關

江邊閒步

閒來南渡口  
遙遙看江楓  
一路波濤畔  
數家蘆葦

中遠汀排晚樹深浦漾寒鴻吟罷慵回首此情誰  
與同

冬日登江樓

高樓臨古岸野步晚來登江水因寒落山雲爲雪  
凝遠村雖入望危檻不堪凭親老未歸去鄉愁徒  
自興

過秦嶺

古今傳此嶺高下勢崢嶸安得青山路化爲平地  
行蒼苔留虎跡碧樹障溪聲欲過一回首踟躕無  
眼情

過王逸人園林

谷口何時住烟霞一徑深水聲離遠洞山色出疎  
林雪彩從沾鬢年光不計心自言人少到猶喜我  
來尋

宿故人江居

渡口樹冥冥南山漸隱青漁舟歸舊浦鷗宿在前  
汀靜榻懸燈坐閒門對浪扁相思頻到此幾番醉  
還醒

宿山寺

溪山盡日行方聽遠鐘聲入院逢僧定登樓見月

生露垂羣木潤泉落一巖清此景關吾事通宵寐  
不成

山中訪人不遇

負琴兼杖藜特地過巖西已見竹軒閉又聞山鳥  
啼長松寒倚谷細草暗連溪久立無人事烟霞歸  
路迷

山中荅友人

偶愛春山住因循值暑時風塵非所願泉石本相  
宜坐久松陰轉吟餘蟬韻移自慙疎野甚多失故  
人期

酬東溪史處士

咫尺東溪路年來偶訪遲  
泉聲迷夜雨花片落空枝  
石徑僧逢出山床鶴見移  
貧齋有琴酒曾許月圓期

贈棲隱洞譚先生

譚紫霄授張道陵天心正法居廬山棲隱洞

先生雙鬢華深谷卧雲霞  
不伐有巢樹多移無主花  
石泉春釀酒松火夜煎茶  
因問山中事如君有幾家

贈隱者

世路爭名利深山獨結茅  
安情自得所非道豈相

交百尺松當戶千年鶴在巢知君於此景未欲等閒拋

懷友人

浮世況多事飄流每嘆君路岐何處去消息幾時聞吟裏落秋葉望中生暮雲孤懷誰慰我夕鳥自成羣

懷果上人

擁錫南遊去名香幾處焚別來無遠信多恐在深雲好月曾同步幽香省共聞相思不相見林下葉紛紛

寄伍喬

蹉跎春又晚天末信來遲  
長憶分携日正當搖落  
時獨遊饒旅恨多事失歸期  
君看前溪樹山禽巢  
幾枝

寄山中高逸人

烟霞多放曠吟嘯是尋常  
猿共摘山果僧鄰住石  
房躡雲雙屐冷採藥一身香  
我憶相逢夜松潭月  
色涼

夏日寄史處士

掩關苔滿地終日坐  
騰騰暑氣冷步葛暮雲催燭

燈寂寥知得趣疎懶似無能還憶舊遊否何年別  
杜陵

寄李處士

僧話礬溪叟平生重赤松夜堂悲蟋蟀秋水老芙蓉  
吟坐倦垂釣閒行多倚筇聞名來已久未得一  
相逢

寄張山人

草堂南澗邊有客嘯雲烟掃葉林風後拾薪山雨  
前野橋通竹逕流水入芝田琴月相親夜更深戀  
不眠



夏日登瀑頂寺因寄諸知己

曾於塵裏望此景在烟霄巖靜水聲近山深暑氣  
遙杖藜青石路煮茗白雲樵寄語爲郎者誰能訪  
寂寥

寄故園兄弟

久與鄉關阻風塵損舊衣水思和月泛山憶共僧  
歸村已添隣舍溪應改釣磯弟兄無苦事不用別  
庭闈

寄暹上人

聞罷城中講來安頂上禪夜燈明石室清磬出巖

泉欲訪慙多事相辭恨隔年終期息塵慮接話處  
溪邊

送吳夢閣歸閩

甌閩在天末此去整行衣久路逢春盡思家冒暑  
歸海雲添晚景山瘴減晴暉相憶吟偏苦不堪書  
信稀

送江爲歸嶺南

舊山臨海色歸路失天涯此別各多事重逢是幾  
時江行暗望遠嶺宿夜吟遲珍重南方客清風失  
所思

送人遊南越

孑然南越去替爾畏前程見說路岐嶮不通車馬  
行瘴烟迷海色嶺樹帶猿聲獨向山家宿多應鄉  
思生

送人歸別業

別業五湖上殘春去路賒還尋舊山水重到故人  
家門徑掩芳草園林落異花君知釣磯在猶喜有  
生涯

春江送人

春江多去情相去枕長汀數鴈別湓浦片帆離洞

庭雨餘沙草綠雲散岸峰青誰共觀明月漁歌夜  
好聽

秋江送客

秋風楚江上送子話遊遨遠水宿何處孤舟春夜  
濤浦雲沉鴈影山月照猿啼莫爲饑寒苦便成名  
利勞

歸鴈

春至衡陽鴈思歸塞路長汀洲齊奮翼霄漢共成  
行雪盡翻風暖寒收度月涼直應到秋日依舊返  
瀟湘

戊籤餘十二十三四

唐音統籤卷七百六

殷文圭小字桂郎池州人居九華苦學所用墨池底爲

之穴乾寧五年登進士第投淮南將田頔爲客後

事楊行密及徐溫爲翰林學士左千牛衛將軍詩

一卷唐志無宋志有真搜登龍從軍錢米筆耕五

事云文圭應舉嘗經大澤中驟雨震電衆駭噴獨

安詳如不聞雨定傍人見其兩耳中鬼神以泥封

之又中途遇一叟曰子眉綠奉文入口神仙相也

如學道當冲虛爲儒當大有名天下唐末詞場請

託公行文圭與游恭獨步場屋昭宗駕在三峯文

圭携梁王朱全忠表薦及第列名榜中文圭仍欲

避風不望洪鐘之樂句尋爲裴樞宣諭判官至梁

全忠復表薦之竟由汴潛馳歸矣全忠大怒之遣

捕不及自是屢言措大率皆負心每以文圭爲證

手書已後卷七百六十二

白馬之禍蓋自此也唐書田頌傳文丰有美名全忠錢鏐交辟不應願善遇士以文圭爲上客置田宅迎其母以甥事之文圭爲之盡力其子悅相南唐歸宋避廟諱改姓爲湯今稱湯文圭以此

### 春草碧色

細草含愁碧芊綿南浦濱萋萋如恨別冉冉共傷春  
踈雨煙華潤斜陽細彩勾花黏繁鬬錦人籍軟  
勝茵淺映宮池水輕遮輦路塵杜回如可結誓作  
報恩身

### 觀賀皇太子冊命

嗣冊儲皇帝命行萬方臣妾躍歡聲鸞旂再立星  
辰正雉扇雙開日月明自有漢元爭翊戴不勞商

皓定欹傾春宮保傳皆周召致主何憂不太平

江南秋日

水國由來稱道情野人經此頓神清一篷秋雨睡  
初起半硯冷雲吟未成青笠漁兒筒釣沒蒹衣菱  
女畫橈輕冰綃寫上江南景寄與金鑾馬長卿

八月十五夜

萬里無雲鏡九州最團圓夜是中秋滿衣水彩拂  
不落遍地水光凝欲流華嶽影寒清露掌海門風  
急白潮頭因君照我丹心事減得愁人一夕愁

行朝早春侍師門宴西溪席上作

西溪水色淨於苔  
畫鷁橫風絳帳開  
絃筦旋飄蓬  
島去公卿皆似蕝  
宮來金鱗擲浪錢  
翻荇玉爵粘  
香雪泛梅三榜生  
徒逾七十豈期龍  
坂納非才

題湖州太學丘光庭博士幽居

舜軌堯文混九垓  
明堂宏構集良材  
江邊雲臥如  
龍穩天外泥書遣  
鶴來五夜藥苗滋  
沆瀣四時花  
影蔭莓苔草玄門  
似山中靜不是公  
卿到不開

題吳中陸龜蒙山齋

萬卷圖書千戶貴  
十洲煙景四時和  
花心露洗猩  
猩血水面風披  
瑟瑟羅莊叟靜  
眠清夢永客兒  
芳



意小詩多天勝不觸人間網擬把公卿換得麼

覽陸龜蒙舊集

先生文價沸三吳白雪千編酒一壺吟去星辰筆  
下動醉來嵩華眼中無峭如謝檜虬蟠活清似緱  
山鳳路孤身後獨遺封禪草何人尋得佐鴻圖

玉仙道中

尊鱸方美別吳江筆陣詩魔兩未降山勢北蟠龍  
偃蹇泉聲東漱玉琤琤古坡狐兔穿蠻塚破寺荆  
榛擁佛幢馬冷吟迷路處隔溪烟雨吠村厖

省試夜投獻座主

關開公道選時英神鏡高懸鑒百靈混沌分來融  
間氣攙槍滅處賦文星燭然蘭省三條白山束龍  
門萬仞青聖教中興周禮在不勞干羽舞明庭

賀同年第三人劉先輩臧辟命

甲門才子郛科人拂地藍衫榜下新脫俗文章笑  
鸚鵡凌雲頭角壓麒麟金壺藉草溪亭晚玉勒穿  
花野寺春多愧受恩同闕里不嫌師僻與顏貧

寄賀杜荀鶴及第

一戰平疇五字勞晝歸鄉去錦爲袍大鵬出海翎  
猶濕駿馬辭天氣正蒙九子舊山增秀絕二南新

格變風騷由來稽古符公道平地丹梯甲乙高

九華賀雨吟

陶公焦思念生靈變旱爲豐合杳冥雷劈老松疑  
虎怒雨衝陰洞覺龍腥萬畦香稻蓬蔥綠九朶奇  
峰撲亞青吟賀西成饒旅興散絲飛洒長亭亭

次韻九華杜先輩重陽寄投宛陵丞相

口下飛聲徹不毛酒醒時得廣離騷先生鬢爲吟  
詩白上相心因治國勞千乘信迴魚檣重九華秋  
迥鳳巢高強酬小謝重陽句沙恨無金盡日淘

贈池州張太守

神珠無類玉無瑕七葉簪貂漢相家陣面奔星破  
犀象筆頭飛電躍龍蛇絳幃夜坐窮三史紅旆春  
行到九華只怕池人留不住別遷征鎮擁高牙

贈戰將

綠沉槍利雪峰尖犀甲軍裝稱紫髯威懾萬人長  
凜凜禮延羣客每謙謙陣前戰馬黃金勒架上兵  
書白玉籤不爲已爲儒弟子好依門下學韜鈴

寄廣南劉僕射

戰國從今却尚文品流才子作將軍畫船清宴蠻  
溪雨粉閣閒吟瘴嶠雲暴客卸戈歸惠政史官調

筆待儒勲漢儀一化南人後牧馬無因更夜聞

中秋自宛陵寄池陽太守

出山三見月如眉蝶夢終宵遶戟枝旅客思歸  
去日賢侯行化子來時郡樓遐想劉琨嘯相閣  
方窺謝傅綦按部况聞秋稼熟馬前迎拜羨并兒

趙侍郎看紅白牡丹因寄楊狀頭贊圖

遲開都爲讓羣芳貴地栽成對玉堂紅艷裏煙  
凝欲語素華映月只聞香翦裁偏得東風意淡  
薄如矜西子粧雅稱花中爲首冠年年長占斷  
春光

送道者朝見後歸山

暫隨蒲島謁金鑾  
瀟洒風儀傲漢官  
天馬難將朱索絆  
海鰲寧覺碧濤寬  
松壇月作尊前伴  
竹籥書爲教外歡  
神鼎已乾龍虎伏  
一條真氣出雲端

初秋留別越中幕客

鬼夢飄零落葉洲  
北轅南極幾時休  
月中青桂漸看老  
星畔白榆還報秋  
鶴禁有知須強進  
嵒峰無事莫相留  
吳花越柳饒君醉  
直待功成始舉頭

邊將別

地角天涯倍苦辛  
十年鉛槧未酬身  
朱門泣別同鰲客  
紫塞游隨鴈  
臣漢將出師  
衝曉雪  
胡兒奔

馬撲征塵行行獨止干戈域毳帳望誰爲主人

經李翰林墓

詩中日月酒中仙平地雄飛上九天身謫蓬萊金  
籍外寶裝方丈玉堂前虎靴醉索將軍脫鴻筆悲  
無令子傳十字遺碑三尺墓只應吟客弔秋烟

題友人庭竹

叢篁蕭瑟拂清陰貴地栽成碧玉林盡待花開添  
鳳食可憐風擊伏龍吟鈿竿離立霜文靜錦籜飄  
零粉節深何事子猷偏寄賞此君心似主人心

鸚鵡

丹靨如簧翠羽輕隨人呼物旋知名金籠夜黯山  
西夢玉枕曉憎簾外聲才子愛奇吟不足美人憐  
爾繡初成應緣是我邯鄲客相顧咬咬別有情

和友人送衡尚書赴池陽副車

淮王上將例分憂玉帳參承半列侯次第還封如  
創厦別離排宴向藏舟鵬鵬變化知難測龍蠖昇  
沉各有由蹢躅行牽金鉸重嬋娟立唱翠娥愁築  
頭勲業諧三陣滿腹詩書究九流金海珠韜乘月  
讀肉芝牙茗撥雲收赤鱗旆卷鷗汀晚青雀船橫  
鴈陣秋十字細波澄鏡面九華殘雪露峰頭醉沉



北海千罇酒吟上南荆百尺樓况是昭明食魚郡  
不妨閒擲釣璜鉤

貽李南平

紀事云文圭為內翰草司空李德誠麻潤筆久不至為詩督之云云

時論以此少之

紫殿西頭月欲斜曾草臨淮上相麻潤筆已曾經  
秦謝更飛章句問張華

句

龍舒太守人中傑風韻堂中心似月

方輿勝覽

衆口

聲光誇漢將築頭勲業住淮王

賀池陽太守正命紀事云其慣用築

頭二

字

戊籤餘十三

楊藥唐末為田頌客集五卷

唐宋志同又有亢書十卷亢餘集一卷並

亡唐書田頌傳頌據寧國貳于楊行密頌善遇士時夔與殷文圭等皆為上客文圭樂為盡力而夔知其不足抗行密著溺賦以戒頌不能周教滅今存詩十一篇

寧州道中

城枕蕭關路胡兵日夕臨  
唯憑一炬火以慰萬人  
心春老雪猶重沙寒草不深  
如何驅匹馬向此獨  
閒吟

尋九華王山人

下馬扣荆扉相尋春半時  
捫蘿盤磴險疊石渡溪

危松夾筍苔逕花藏薜荔籬臥雲情自逸名姓厭  
人知

金陵逢張喬

殊鄉會面時辛苦兩情知有志年空過無媒命共  
奇吟餘春漏急語舊酒巡遲天爵如堪倚休驚鬢  
上絲

送日東僧遊天台

一瓶離日外行指赤城中去自重雲下來從積水  
東攀蘿躋石徑挂錫憩松風迴首鷄林道唯應夢  
想通

題甘露寺

高殿拂雲霓登臨想虎溪風勺帆影衆烟亂鳥行  
迷北倚波濤濶南窺井邑低滿城塵漠漠隔岸草  
萋萋虛閣延秋磬澄江響暮聲客心還惜去新月  
挂樓西

送張相公出征

得意在當年登壇秉國權漢推周勃重晉讓趙宣  
賢儒德尼丘降兵鈴太白傳援毫飛鳳藻發匣吼  
龍泉歷火金難耗零霜桂益堅從來稱玉潔此更  
讓朱妍鴛鴦臻門下貌貅擁帳前去知清朔漠行

不費陶甄獻畫符中旨推誠契上玄願將班固筆  
書頌勒燕然

題鄭山人郊居

谷口今逢避世才入門瀟洒絕塵埃漁舟下釣乘  
風去藥醞留賓待月開數片石從青嶂得一條泉  
自白雲來竹軒相對無言語盡日一作南山不欲  
迴

題宣州延慶寺益公院

咸通中入講  
極承恩澤

嘿坐能除萬種情臘高兼有賜衣榮講經舊說傾  
朝聽登殿曾聞降輦迎幽逕北連千嶂碧虛窓東

望一川平長年門外無塵客時見元戎駐旆旌

寄當陽袁皓明府

高人爲縣在南京竹邊琴堂水遶城地古旣資携  
酒興務閒偏長看山情松軒待月僧同坐藥圃尋  
花鶴伴行百里甚堪留惠愛莫教空說魯恭名

送杜郎中入茶山修貢

一道澄瀾徹底清仙郎輕棹出重城採蘋虛得當

時稱述職那同此日榮劍戟步經

一作

高障黑綺

羅光動百花明謝公携妓東山去何似乘春奉詔

行

送鄭谷

春江漱漱清且急  
春雨濛濛密復疎  
一曲狂歌兩行淚  
送君兼寄故鄉書

戊籤餘十四

宋齊丘字子嵩廬陵人好學工屬文尤喜縱橫長短之說烈祖代吳嘗叅秘書以丞相同平章事元

宗再召爲中書令性躁褊植黨要君爲鍾謨所構

放歸縊死集六卷今存詩三篇

宋志祀玄集三卷文傳十三卷通志

藝文畧集六卷今並亡

陪烈祖遊鳳凰臺獻詩

本傳烈祖時爲昇州刺史齊丘因騎將姚

克瞻得見暇日陪遊鳳凰臺獻詩  
以見志烈祖奇其才以國士待之

嵯峨壓洪泉  
峯客撐碧落  
宜哉秦始皇  
不驅亦不  
鑿  
上有布政臺  
八顧背城郭  
山蹙龍虎健  
水黑螭  
蜃作白虹欲  
吞人  
赤驥相搏  
擲畫棟  
泥金碧  
石路  
盤繞墉  
倒挂哭月猿  
危立思天鶴  
鑿池養蛟龍  
栽  
桐棲鸞鸞  
梁間燕  
教雛石罅蛇  
懸殼  
養花如養賢  
去草如去惡  
日晚嚴城鼓  
風來蕭寺鐸  
掃地驅塵  
埃  
翦蒿除鳥雀  
金桃帶葉摘  
綠李和衣嚼  
貞竹無  
盛衰媚柳先  
搖落  
一作松竹無時  
衰蒲柳先愁落  
塵飛景陽井  
草  
合  
臨春閣  
芙蓉如佳人  
迴首似調諫  
當軒有直道



無人肯駐脚夜半鼠窸窣天陰鬼敲啄松孤不易  
立石醜難安着自憐啄木鳥去蠹終不錯晚風吹  
梧桐樹頭鳴噪噪峨峨江令石青苔何淡薄不話  
興亡事舉首思眇邈吁哉未到此福劣同尺蠖籠  
鶴羨鳬毛猛虎愛蝸角一日賢太守與我觀橐籥  
徃徃獨自語天帝相唯諾風雲偶不來寰宇銷一  
略我欲烹長鯨四海爲鼎鑊我欲取大鵬天地爲  
罍繳安得生羽翰雄飛上寥廓

贈仰山慧度禪師

初聞如自解及見勝初聞兩鬢堆殘雪一身披斷

雲道應齊古佛高不揖吾君稽首清涼月蕭然萬  
象分

陪元宗華林園試小妓羯鼓

切斷牙床鏤紫金最宜平穩玉槽深因逢淑景開  
佳宴爲出花奴奏雅音掌底輕璫孤鵲噪枝頭乾  
快亂蟬吟開元天子曾如此今日將軍好用心

句

人似賢臣扶社稷通明則見暗還藏

影詩  
吟窓雜錄

戊籤餘十五

唐音統籤卷

七百六十三

李建勲字致堯廣陵人南唐功臣德誠之子初尚義祖女後預禪代策烈祖用以爲中書侍郎左僕射輔政元宗時拜司空以司徒致仕建勲少好學能屬文尤工詩晚年引退營別墅鍾山放意泉石賜號鍾山公有集二十卷內詩一卷今編二卷

南唐書本傳曰建勲詩少時猶浮靡晚年頗清淡平易見稱于時徐獻忠曰晚唐諸子不選格調專事情景建勲詩每聯必設景象工寫之極不自知流而爲俳

五言古詩

春陰

老雨不肯休東風勢還作未放草蒙茸已遣花蕭索  
浮生何苦勞觸事妨行樂寄語達生人須知酒勝藥

留題愛敬寺

野性竟未改何以居朝廷空爲百官首但愛千峰  
青南風新雨後與客携觴行斜陽惜歸去萬壑啼  
鳥聲

感故府二首

戚戚復戚戚期懷安可釋百年金石心中路生死  
隔新墳應草合舊地空苔色白日燈熒熒凝塵滿

身閒贏得出天氣漸暄和蜀馬登山穩南朝古寺  
多早花微弄色新酒欲生波從此唯行樂閒愁奈  
我何

金陵所居青溪草堂閒興

窗外皆連水杉松欲作林自憐趨競地獨有愛閒  
心素壁題看遍危冠醉不簪江僧暮相訪簾卷見  
秋岑

賦得冬日青溪草堂四十字

莫道無幽致常來到日西地雖當北闕天與設東  
溪疎葦寒多折驚鳬去不齊坐中皆作者長愛覓

分題

溪齋

水木遶吾廬  
舉簾晚檻虛  
衰條寒露鵲  
幽果落驚魚  
愛酒貧還甚  
趨時老更踈  
乖慵自有素  
不是忽簪裾

春日金谷園

火急召親賓  
歡遊莫厭頻  
日長徒似歲  
花過卽非春  
晚雨來何定  
東風自不勻  
須知三箇月  
不是負芳晨

小園

小園吾所好栽植忘勞形晚果經秋赤寒蔬近社  
青竹蘿荒引蔓土井淺生萍更欲從人勸憑高置  
草亭

春日小園晨看兼招同舍

最有杏花繁枝枝若手搏須知一春促莫厭百迴  
看鳥囀風潛息蜂遲露未乾可容排飲否兼折贈  
頭冠

田家三首

畢歲知無事兵銷復舊丁竹門桑徑狹春日稻畦  
青犬吠隈籬落雞飛上碓桎歸田起思蛙叫草

冥冥

不識城中路熙熙自有年木檠擎社酒瓦鼓送神  
錢霜落牛歸屋禾收雀滿田遙陂過秋水閒閣釣  
魚船

長愛田家事時時欲一過垣籬皆樹槿廳院亦堆  
禾病果因風落寒蔬向日多遙聞數聲笛牛晚下  
前坡

宿山房

石窓燈欲盡松檻月還明就枕渾無睡披衣却出  
行巖高泉亂滴林動鳥時驚倏忽山鐘曙喧喧僕



馬聲

春日病中

纔得歸閒去還教病臥頻無由全勝意終是負青  
春綠柳漸拂地黃鶯如喚人方爲醫者勸斷酒已  
經旬

贈趙學士

常欽趙夫子遠作五侯賓見面到今日操心如古  
人醉同華席少吟訪野僧頻寂寂長河畔荒齋與  
廟鄰

贈送致仕郎中

鶴立瘦稜稜鬚長白似銀水冠皆古製氣貌異常  
人聽雪添詩思看山滯酒巡西峰重歸路唯許野  
僧親

閒居秋思呈祥松二公

秋光雖卽好客思轉悠哉去國身將老流年鴈又  
來葉紅堆晚徑菊冷藉空壘不得師相訪難將道  
自開

夏日酬祥松二公見訪

多謝空門客時時出草堂從容非有約淡薄不相  
忘池映春篁老簷垂夏果香西峯正清霽自與拂

吟床

懷贈操禪師

嘗憶曹溪子龕居面碧嵩  
杉松新夏後雨雹夜禪  
中道匪因經悟心能向物空  
秋來得音信又在  
山東

宿友人山居寄司徒相公

雨雪正霏霏令人不憶歸  
地爐僧坐煖山枿火聲  
肥隔紙烘茶蘼移鐙剝芋衣  
知君在霄漢此興得  
還稀

又

郢客相尋夜荒庭雪洒蒿虛堂看向曙吟坐共忘  
勞溪凍聲全減燈寒焰不高他人莫相笑未易會  
吾曹

闕下偶書寄孫員外

長安驅馳地貴賤共悠悠白日誰相促勞生自不  
休鳳翔雙闕晚蟬噪六街秋獨有南宮客時來話  
釣舟

寄魏郎中

碌碌但隨羣蒿蘭任不分未嘗矜有道求遇向吾  
君逸駕秋尋寺長歌醉望雲高齋紙屏古塵暗北

山文

中酒寄劉行軍

甚矣頻頻醉神昏體亦虛肺傷徒問藥髮落不盈  
梳戀寢嫌明室修生媿道書西峰老僧語相勸合  
何如

病中書懷寄王二十六

落葉滿山州閒眠病未瘳窓陰連竹枕藥氣染茶  
甌路匪人遮去官須自覓休焉宜更羸老扶杖作  
公侯

送王郎中之官吉水

南望廬陵郡山連五嶺長  
吾君憐遠俗從事輟名  
郎移戶多無土春蠶不滿筐  
惟應勞費畫溪峒况  
彊梁

送喻鍊師歸茅山

休糧知幾載臉色似桃紅  
半醉離城去單衣行雪中  
水聲茅洞曉雲影石房空  
莫學秦時客音書便  
不通

送人

相見未逾月堪悲遠別離  
非君誰顧我萬里又南  
之雨逼清明日花陰杜宇時  
愁看挂帆處鷗鳥共

遲遲

毆妓

自爲專房甚忽忽有所傷當時心已悔徹夜手猶  
香恨枕堆雲髻啼襟搵月黃起來猶恐惡翦破繡  
鴛鴦

惜花

白髮今如此紅芳莫更催預愁多日謝翻怕十分  
開點滴無時雨荒涼滿地苔閒堦一盃酒惟待故  
人來

金園落花

愁見清明後紛紛蓋地紅惜看難過日自落不因  
風蝶散餘香在鶯啼半樹空堪悲一罇酒從此似  
西東

柳花寄人

每愛江城裏青春尚盡時一迴新雨歇是處好風  
吹破石粘蟲領高樓撲酒旗遙知陶令宅五樹正  
離披

採菊

簇簇竟相鮮一枝開幾畝味甘資麴蘖香好勝蘭  
蓀古道風搖遠荒籬露壓繁盈筐時採得服餌近



知門

孤鴈

欲食不敢食合栖猶未栖  
關風亦驚過避繳恨飛  
低水濶緣湘困雲寒過磧迷  
悲鳴感人意見夜  
烏啼

栢梁隔句韻詩

不喜長亭柳枝枝擬送君  
惟憐北窓樹樹解留  
人圓缺都如月東西只似雲  
愁看離席散歸蓋動  
行塵

五言排律

新竹

裊裊薰風軟娟娟湛露光參差仙子仗迤邐羽林  
槍迥去侵花地斜來破蘚牆籜乾猶抱翠粉膩若  
塗粧逕曲莖難數陰踈葉未長懶嫌吟客倚甘畏  
夏蟲傷映水如爭立當軒自着行北亭樽酒興還  
爲此君狂

歸燕詞

羽翼勢雖微雲霄亦可期飛翻自有路鴻鵠莫相  
嗤待侶臨書幌尋泥傍藻池衝人穿柳逕捎蝶遶  
花枝廣厦來應遍深宮去不疑雕梁聲上下煙浦

影參差機跡入潛機

雨瀟江瀟

不長護窺雙雙暮歸處跡

卷終